



Høringsuttale (KF-340)

Referansenummer: 6SP5AD

Registrert dato: 02.09.2016 17:53:35

Vedlegg:

Merknad frå Ostereidet Bygdelag til kommunedelplan for idrett aktivitet og friluftsliv.docx

Innleiing
Uttalen blir gjeven <input type="radio"/> Personleg <input checked="" type="radio"/> På vegner av føretak/lag/foreining
Opplysningar om føretak/lag/foreining
Føretak/lag/foreining Ostereidet Bygdelag
Namn på innsendar Ola Ragnvald Jordal
Rolle Leiar
Adresse Dyrhovden 26
Postnummer 5993
Poststad Ostereidet
Telefon 93007048
Telefaks

Høringsuttale
Høringsuttale
Velj høyringsuttale: <input checked="" type="checkbox"/> Plan for idrett, aktivitet og friluftsliv 2016 - 2024

Uttale

Lindås kommune 27.08.2016, Ostereidet

Merknad frå Ostereidet bygdelag til kommunedelplan for idrett, aktivitet og friluftsliv 2016 ? 2024

Ostereidet Bygdelag viser til framlegg til kommunedelplan for idrett, aktivitet og friluftsliv 2016 ? 2024, og nyttar med dette invitasjonen til å koma med ein tydeleg merknad til planen.

Bygdelaget, som er ein organisasjon for heile skulekrinsen på Ostereidet, meiner at planen kjem med mange gode forslag på tiltak som kan fremja idretten, friluftslivet og aktiviteten hjå innbyggjarane i Lindås kommune. Planen er etter vår vurdering fagleg tung med omsyn på å presentera fakta og statistikk og i å koma med faglege vurderingar. Spesielt meiner bygdelaget at Telemarkforskning sin rapport på ein framifrå måte viser kva utfordringar og forbetringar som er naudsynt om Lindås kommune skal få eit godt idrettsstilbod og eit aktivitetsnivå på same nivå som kommunar me elles likar å samanlikna oss med!

Bygdelaget er svært samd med hovudmålet som i planen på side 27 har følgjande ordlyd:

HØVUDMÅLSETNAD:

Visjonen «Idrett og fysisk aktivitet for alle» ligg til grunn for Lindås kommune sitt arbeid innan området idrett, aktivitet og friluftsliv.

Bygdelaget meiner på den andre sida at strategiane som er formulert i planframlegget ikkje fangar opp at Ostereidet-krinsen er eit lokalsenter i Lindås, og at det i dette oppvekstområdet, som både har barnehage, barneskule (127 elever) og ungdomskule (100 elever) manglar ein fleirbrukshall. Noverande situasjon er ein eldre gymsal frå 1975, på ca 200 m² som er alt for liten for alle dei aktivitetane ein i dag treng for å halda på med allsidige idrettsaktivitetar. Den er mellom anna alt for liten for handball og for innandørs fotballtrening, noko som medfører at mange fotballag til og med ned i småskulen reiser til Knarvik for å trenast i vinterhalvåret. Bygget fekk nytt sportsdekke i fjor, men det har ikkje endra på kjensgjerninga at kommunen har eit bygg som ikkje er tenleg i høve målsettinga om å stimulera til idrett og fysisk aktivitet for alle. Mange barn på Ostereidet sluttar med aktivt idrettsliv alt for tidleg, mellom anna på grunn av at dei eller familien ikkje orkar reiseavstanden til hallen i Knarvik på kveldstid.

Utan ein skikkeleg fleirbrukshall på Ostereidet er det difor vanskeleg å oppnå målsettinga om idrett og fysisk aktivitet for alle i vår del av kommunen. Ein vil vise til at dei andre oppvekstområda med ungdomskular, både Knarvik og tettstaden Lindås har flotte fleirbrukshallar, og at ein i tillegg planlegg fleirbrukshall nr. to ved Knarvik barneskule. I Leiknes krins byggjer kommunen storstove med idrettshall i. Etter vår vurdering er det både rett og klokt å leggje inn ein ny strategi som skal sikra at hovudmålsettinga om at alle i kommunen, uavhengig av kor folk bur, skal kunna driva med idrett og fysisk aktivitet. Me føreslår difor at følgjande tillegg/ endring kjem inn i strategiformulering i endeleg plandokument:

A: Det skal i planperioden vera fokus på å vidareutvikla Knarvik som regionsenter for idrett og aktivitet, og at alle lokalsentra i Lindås får utvikla gode og likeverdige tilbod for idrett og hallaktivitet.

Me meiner at Knarvik ikkje skal vera i hovudfokus, fordi heile kommunen skal ha fokus!

Bygdelaget ber om at planen i tillegg vert endra på side 31 under handlingsprogram anlegg, sidan dette er ei prioritert liste over anlegg som skal byggjast i 4 årsperioden. Me ber om at fleirbrukshall på Ostereidet vert løfta inn her som prioritert anlegg på 2.plass på følgjande måte:

Prioritet	Tiltak	Oppstart	Kostnad	17	18	19	20	Spelemidlar
2	Fleirbrukshall utvida Ostereidet med ¼ storleik for eigenorganisert aktivitet+klatrevegg	2018	50mill		25mill	25 mill	10mill	+4mill

(sjå vedlegg for tabell)

Venleg helsing

Ola R. Jordal

Leiar i Ostereidet Bygdelag